



大方廣佛華嚴經卷第十六

朝

東晉天竺佛陁跋陁羅譯

迴向品之二

佛子何等為菩薩摩訶薩第三等諸佛迴向
此菩薩摩訶薩隨順學過去未來現在諸佛
迴向此菩薩修菩薩行時見好惡色其心清



淨而無憎愛歡喜悅樂起無壞心離諸憂惱
得正直心身意柔軟諸根清淨此菩薩得如
是樂時迴向諸佛作如是念一切諸佛雖有
無上淨妙伎樂復願諸佛具不思議佛所住
樂具足攝取不可稱量佛三昧樂成就無量
大悲伎樂具足成就不可思議佛解脫樂具
足攝取諸佛神足自在伎樂無上尊重最妙
伎樂普覆如來常令具足諸佛無量力樂永
離一切諸覺之樂無上寂靜不變易樂具足
無礙法門心常寂定而無散亂佛無二行不
可壞樂菩薩摩訶薩以如是善根迴向諸佛
已又復迴向一切菩薩令願未滿者悉令滿

足未淨直心者令淨直心未滿諸波羅蜜者
悉令滿足安住金剛菩提之心於一切智得
不退轉不捨大莊嚴守護菩提門及諸善根
能令一切衆生捨離放逸發菩提心所願成
滿安住一切菩薩所住得諸菩薩明利諸根
修習善根證薩婆若如是菩薩摩訶薩以諸
善根迴向善薩已又復迴向一切衆生迴向
一切衆生見佛聞法敬心近僧迴向具足專
心念佛迴向具足念淨妙法迴向念僧尊重
恭敬迴向見佛未曾遠離迴向成就諸清淨
心迴向分別諸如來法迴向成就無量功德
迴向清淨諸通善根迴向除滅一切疑惑如

佛迴向開化一切衆生聲聞緣覺及諸菩薩
菩薩善根迴向一切衆生亦復如是令一切
衆生永離地獄餓鬼畜生閻羅王處一切惡
趣無量衆難菩薩摩訶薩令彼一切衆生悉
發無上菩提之心長養無上菩提之心一心
專求一切種智捨離誑謗諸佛正法常樂具
足一切智地令一切衆生究竟清淨得一切
智菩薩摩訶薩所行善根以諸大願攝取行
等行積聚等積聚長養等長養皆悉廣大具
足充滿菩薩摩訶薩若在家時與妻子俱未
曾暫離菩提之心正念思惟薩婆若境界自
度度彼直心平等方便示現妻子眷屬菩薩

善方便智皆悉成就究竟解脫雖與同止心
無所著以本大悲故處在家屬以大慈故隨
順妻子於菩薩淨道無所障礙菩薩摩訶薩
若在家時應以如是薩婆若心善根迴向所
謂披著衣裳若飲若食服諸湯藥行住坐卧
身口意業具足清淨諸根調伏皆悉安諦洗
浴塗身寂靜徐步迴旋顧眄舉足下足若眠
若覺不失威儀善攝諸根未曾散亂菩薩摩
訶薩以如是等一切諸行未曾遠離薩婆若
心善根迴向饒益安樂一切衆生無量諸願
皆悉成就攝取無量廣大善根修習善根救
護一切除滅一切放逸憍慢一心正念一切

種智欲覺一切諸佛菩提捨離煩惱及順煩惱
法修習一切菩薩所學於一切智道無所障
礙樂修智地及諸善根常樂愛語增長善根
令一切衆生永離苦惱不著所行一心受持
諸佛教法是爲菩薩摩訶薩處在家屬攝取
善根一心迴向無上菩提菩薩摩訶薩復作
是念乃至小犬及餘畜生當令此等具足修
習不放逸行離畜生趣得饒益樂究竟解脫
永度苦海苦受苦陰苦覺苦增上大苦苦行
苦截苦根苦舍如是等無量無邊一切衆苦
菩薩摩訶薩欲令衆生悉得除滅以淨善根
迴向無上菩提教一切衆生迴向如是境界

正念思惟彼諸善根以為上首所謂迴向一
切種智發善提心攝善提心遠離生死修習
善根出生死淵得諸如來無礙快樂修如來
慈充滿十方大悲饒益一切衆生普令一切
得清淨樂守護一切諸勝善根令一切衆生
究竟佛法遠離一切諸魔境界入彼甚深如
來境界普能拔出一切世間具足一切如來
善根住三出佛平等法中如是菩薩摩訶薩
今集善根已集善根當集善根皆悉迴向復
作是念如彼過去菩薩所行恭敬供養一切
諸佛度脫衆生救護一切修諸善根迴向善
提而無所著不依色不著受不顛倒想不作

行不取識離六入不住世法樂出世法知法
如空究竟得至非趣彼岸照解諸法不生不
滅無真實相無所染著一切諸法無有虛妄
無所歸趣無所破壞安住實際無有自性離
諸性故於一念中解一切法無性為性常樂
習行普門善根具足如來圓滿功德顯現一
切如彼過去一切如來善根迴向我亦如是
樂如是法證如是法如是發心修習諸法不
遠法相所有起法猶如幻化電光水月鏡中
之像因緣和合假持諸法悉分別知從業因
起唯如來地是究竟處菩薩摩訶薩如是隨
學過去諸佛所學迴向未來現在亦復如是

書摩訶薩學三出佛所學迴向諸善根已
作如是念如彼諸佛所知菩薩迴向我亦如
是迴向第一迴向勝迴向最勝迴向上迴向
無上迴向無等迴向無等等迴向無比迴向
無對迴向尊迴向妙迴向平等迴向正直迴
向大功德迴向大願迴向明淨迴向善根迴向
清淨迴向離惡迴向不隨惡迴向如是菩薩
摩訶薩以諸善報正迴向已成就清淨妙身
口意所作行業皆悉清淨住菩薩住離諸惡
住修習善根離身口惡業無選擇修菩薩婆若
住住無量住入一切法空無自在修出世法
於世間法心無染著分別了知無量諸業成

就巧方便迴向諸法心無所倚佛子是為菩薩
摩訶薩第二等諸佛迴向菩薩安住此迴向
已深入一切諸如來業趣諸如來勝妙功德
入深清淨智慧境界不離一切諸菩薩業善
能分別巧妙方便入深法界巧妙方便次第
成就菩薩善根入於一切諸如來性以巧方
便分別了知無量無邊一切諸法雖復示現
世界中生於諸世界心無所著佛子是為菩
薩摩訶薩等諸佛迴向尔時金剛幢菩薩承
佛神力普觀十方以偈頌曰

花二六卷

彼諸菩薩摩訶薩

修過去佛迴向法

亦學未來現在世

無量導師之所行

一切種種微妙樂
成就明淨勝法眼
菩薩身根種種樂
種種上妙無量樂
一切世間諸善根
於彼悉攝無有餘
菩薩隨喜無有量
人中師子所有樂
諸佛如來所知見
欲令衆生皆悉得
菩薩所得種種樂
欲令衆生常安樂

諸佛如來所讚歎
迴向一切諸導師
眼耳鼻舌諸情根
迴向一切諸最勝
及諸如來所成就
隨喜迴向益衆生
亦以迴向一切衆
願令衆生悉具足
一切衆生清淨樂
世間燈明所受樂
迴向諸佛為衆生
於彼迴向無所著

菩薩修此迴向時
如佛所知迴向德
如諸最勝所知見
如我在世諸所行
一切趣中衆快樂
皆悉迴向為衆生
身口意淨離諸惡
以此迴向群生類
菩薩所修諸行業
隨順如來生佛家
十方無量世界中
無量善根悉迴向

興發無量大悲心
令我具足悉成滿
一切智乘微妙樂
一切菩薩無量樂
柔軟調伏諸根樂
普令成就無上智
巧妙方便心平等
悉令成就無上智
積集無量淨功德
寂然不亂正迴向
攝取一切衆生類
普令衆生得安樂

不爲己身自求樂
遠離一切虛妄心
十方無量諸最勝
以諸功德迴向彼
一切世閒衆生類
以我所行諸淨業
無量無邊清淨願
皆悉清淨離諸垢
一切功德盡迴向
種種淨妙而莊嚴
心不稱量諸二法
諸法非二非不二

花下
六卷

欲令一切悉安樂
悉解諸法空無我
所見一切眞佛子
速令究竟無上道
等心攝取無有餘
令彼衆生速成佛
無等最勝所演說
普令佛子究竟滿
悉令十方諸佛刹
菩薩如是學迴向
了達覺悟法無二
不作虛妄是佛子

一切世間所有想
亦不壞想及非想
彼諸菩薩身淨已
口業已淨無散亂
一心正念過去佛
現在十方天人等
三出無量諸最勝
所行無量求菩提
彼勝妙慧廣大慧
平等實慧清淨慧

究竟悉度無有餘
決定了知衆生想
則意清淨無玷穢
當知意淨無所著
分別未來諸導師
菩薩遍學彼佛教
慧心明達無障礙
迴向饒益諸世間
四具諦慧離倒慧
無比慧等皆迴向
佛子何等爲菩薩摩訶薩第四至一切處迴
向此菩薩摩訶薩修習一切諸善根時以彼

善根如是迴向今此善根功德之力至一切
處譬言交實際無處不至至一切出聞至一切有
至一切衆生至一切刹至一切法至一切虛
空至一切三出至一切有爲及無爲法至一
切語言音聲我此善根亦復如是遍至一切
諸如來所供養三出一切諸佛過去諸佛所
願悉滿未來諸佛且佛莊嚴虛空法界等出
界中現在諸佛及無量大衆以爲莊嚴皆悉
供養猶如諸天於一念中悉能充滿無量無
邊一切出界廣大功德智慧無礙善根迴向
故菩薩摩訶薩復作是念以此善根虛空法
界等一切出界出界性種種業所起十方不

可說世界不可說佛刹種種世界諸佛境界
無分齊世界轉翻覆世界伏世界轉世界一
切無餘世界中現在諸佛顯現無量自在神
力彼有菩薩解虛空法界等一切諸法為諸
衆生於一切世界中現為如來出興於世示
現至一切處智無量無邊自在受生法身遍
至不壞法界平等普入同佛身藏不生不滅
普應一切善巧方便出現世間從真實法性
起堅固不轉無礙所持諸佛無礙功德所生
菩薩摩訶薩於諸如來應供等正覺所種諸
善根以衆雜花之六卷華種種六香鬘蓋幢幡珍寶燈明
以如是等諸妙供具供養尊像及諸塔廟以

此一切善根迴向以一心不亂心不動心尊
重心離瞋心無住心無著心無衆生心無諂
害心寂靜心迴向復作是念虛空法界等一
切劫中去來今佛相好具足而自莊嚴以妙
法界莊嚴而自莊嚴彼佛眷屬充滿虛空法
界等一切世界隨時出世未曾失時我以善
根迴向供養諸佛以無量香蓋無量香幢無
量香幡無量香宮殿無量香寶網無量香像無
量香光無量香炎無量香雲無量香座無量
香輪無量香住處無量香佛世界無量香須
彌山王無量香海無量香河無量香樹無量
香衣無量香蓮華以如是等無量無數衆香

莊嚴以爲供養以無量華蓋廣說如上乃至
無量無數衆華莊嚴以爲供養以無數鬘蓋
乃至無數衆鬘莊嚴以爲供養以不可思議
塗香蓋乃至不可思議塗香莊嚴以爲供養
以不可稱栴香蓋乃至不可稱栴香莊嚴以
爲供養以無分齊妙衣蓋乃至無分齊妙衣
莊嚴以爲供養以無邊寶蓋乃至無邊衆寶
莊嚴以爲供養以無量燈蓋乃至無量衆燈
莊嚴以爲供養以不可說莊嚴具蓋乃至不
可說衆莊嚴具以爲供養以不可說不可說
摩尼寶蓋如是摩尼寶幢摩尼寶幡摩尼寶
帳摩尼寶網摩尼寶鬘摩尼寶光摩尼寶炎

摩尼寶雲摩尼寶座摩尼寶輪摩尼寶宮殿
摩尼寶世界摩尼寶須弥山王摩尼寶海摩
尼寶河摩尼寶樹摩尼寶衣摩尼寶蓮華如
是等不可說不可說摩尼寶莊嚴以為供養
於一一境界中各有阿僧祇欄楯阿僧祇莊
嚴阿僧祇宮殿阿僧祇樓閣阿僧祇偏樓閣
阿僧祇半月莊嚴阿僧祇內外幃帳阿僧祇
窳牖阿僧祇清淨寶阿僧祇一切寶莊嚴清
淨一切世界悉無有餘如是莊嚴令一切衆
生超出生死成就如來十種力地於諸法中
得無礙法明教化衆生一切善根迴向盡伏
衆生無量心充滿虛空法界等一切佛刹法

無所至出生三出無量善根令一切眾生
得親見無量諸佛安住一切諸善根中成就
大乘不著諸法具足諸善根究竟無量三三音
入無量無邊一切法界善根迴向入一文如
來自正神力令一切眾生因此善根得善淨
若成無上道譬如無我不離諸法我諸善根亦
復如是攝取一切佛恭敬供養故攝取一切
法離障礙故攝取一切菩薩究竟一切同善
根故攝取三三一切行滿諸願故攝取三三
一切法明定無礙故攝取一切佛自之神
力成就無量諸善根故攝取一切諸佛力無所
畏發無量心滿一切故攝取一切三三三三

辯于隨羅尼門解了世間無二法故攝取一
切佛巧妙方便示現如來大神力故攝取三
世一切諸佛出生得道轉淨法輪示現涅槃
興發供養化眾生故攝取一切世界無上佛
刹莊嚴故攝取一切劫不斷一切善惡行故
攝取一切趣示現受生故攝取一切眾生具
足善賢善惡行故攝取一切眾生淨煩惱善
故攝取一切眾生諸根化度無量故攝取一
切眾生諸欲淨諸煩惱故攝取一切眾生調
伏成就隨其所應為現身故攝取一切眾生
令解眾生如變化故攝取一切如來性守護
受持一切佛法故善薩摩訶薩如是善根迴

向了無所有業中不取虛妄報報中不取虛
妄業離諸虛妄入深法界心常安住勝妙善
根業離散心修習善法不信不入一切諸法
不見有法自性成就作者壞者皆不可得知
一切法悉無自在解了法界無有見者無有
知者如是菩薩摩訶薩圓滿具足解了諸法
得一切法衆因緣地見一切法身離欲實際
等觀諸法解了世間猶如變化明達衆生皆
是一法分別無二不捨諸業境界方便於有
爲界出無爲界而亦不壞有爲之性於無爲
界出有爲界而亦不壞無爲之性如是菩薩
摩訶薩樂觀諸法寂滅之相出生一切清淨

善根皆悉迴向救護衆生精勤修習離愚癡
法深達明了一切法海以虛空等一切善根
迴向具足無上堅固功德得離癡冥明淨法
眼等知方便迴向功德善薩摩訶薩如是善
根迴向今一切衆生淨一切刹得佛自在教
化衆生持諸佛法一切世間最上福田爲諸
衆生作採寶導師爲一切世間出明淨日一
一善根充滿法界善根迴向救護衆生今一
切衆生悉皆成就清淨功德善薩摩訶薩如
是善根迴向守護受持諸如來性教化成就
諸衆生性嚴淨一切諸佛刹性不壞業性分
別法性等觀不二法性遍遊十方性廣說離欲

性具足解脫性普照諸根性佛子是名菩薩
摩訶薩第四至一切處迴向菩薩摩訶薩安
住此迴向能以一切善根迴向得至一切處
身業善能應現一切世界故得至一切處口
業微妙言聲充滿十方一切世界故得至一
切處意業悉能受持一切諸佛所說法故得
至一切處神足善能隨順一切世間行故得
至一切處法隨順一切法故得至一切處隨
順法陀羅尼辯才令一切衆生悉歡喜故得
至一切處順入法界於一毛道悉能普入一
切世界故得至一切處身令一切衆生身入
一衆生身故得至一切處劫於一切劫中常

見諸佛故得至一切處刹那於一刹那現一
切佛與於世故佛子菩薩摩訶薩得至一切
處善根迴向能以一切善根迴向於時金剛
幢三薩承佛神力普觀十方以偈頌曰

一切內外諸世間

菩薩大士無所著

不捨饒益衆生事

如是妙智入中勝

不著一切諸世界

不取十方堅固性

不取衆生壽命相

亦不妄取諸世間

一切十方世界中

攝取衆生悉無餘

觀察有無得自在

至一切處善迴向

攝取有為無為法

心不妄取諸世間

世間諸法無差別

照世燈明如是覺

花云

大卷九

一切所行諸業行
智慧諸業悉迴向
菩薩迴向到彼岸
分別甚深微妙智
清淨善根悉迴向
悉令十方一切衆
未曾虛妄取衆生
不染不著一切世
菩薩常樂寂滅法
亦不捨離衆生道
不起諸業虛妄想
一切世間從緣起

上中下品各不同
一切十方諸如來
隨如來學悉成就
具足最勝殊特法
常能利益諸群生
成就無上照出燈
亦不妄想念諸法
亦復不捨諸衆生
隨順得至寂滅境
得如是等微妙智
於諸果報亦不著
不離因緣見諸法

如是境界隨順至

遠離一切虛妄想

一切衆生調御師

具足明了善迴向

佛子何等爲菩薩摩訶薩第五無盡功德藏
迴向此菩薩摩訶薩修悔過善根離一切業
障於去來今佛一切善根及三世一切衆生
善根皆悉隨喜於諸如來尊重恭敬禮拜供
養所生善根勸請諸佛所生善根佛所說法
聞持憶念如說修行入不思議境界善根三
世諸佛無盡善根一切菩薩所修善根三世
諸佛得菩提時無上善根菩薩摩訶薩於此
一切善根皆悉隨喜隨喜已安住彼善根三
世諸佛轉淨法輪度無量衆生彼諸衆生所

得善根菩薩摩訶薩皆悉隨喜三世諸佛從
初發心修菩薩行乃至成佛示現涅槃於其
中間所獲善根皆悉隨喜彼諸如來般涅槃
已受持守護諸佛正法乃至法滅所修善根
念佛境界所修善根自己境界所修善根乃
至無上菩提境界善根菩薩摩訶薩以此諸
善根皆悉迴向菩薩摩訶薩作如是念此諸
善根若修若學若積集若開解若隨喜若具
足若成就若有所行若有所得若正憶念若
受持若堅固難壞如此善根盡過去際劫一
花云六卷十
切諸佛莊嚴世界無量行業之所興起佛智
所知菩薩所識應衆生起隨欲清淨如來所

持如來出世淨業所成普賢菩薩淨業所起
彼諸世界若有衆生成無上道現自在力未
來一切如來應供等正覺莊嚴佛刹與法界
等無量無邊虛空法界等一切世界中盡未來
際劫一切諸佛彼諸如來成就智慧當淨佛
刹雜寶莊嚴一切無厭上香莊嚴雨一切華
莊嚴一切衣雲莊嚴一切功德藏莊嚴一切
如來持智莊嚴一切佛刹莊嚴不可說莊嚴
修習不可思議功德莊嚴如來等正覺淨威
神莊嚴未來一切諸佛莊嚴佛刹一切出間
所不能觀菩薩淨眼之所照見菩薩摩訶薩
修勝善根悉入一切諸清淨法受持一切諸

清淨法猶如變化普行菩薩諸清淨業不入菩薩不可思議自在三昧佛慧光明普照世間如未來諸佛嚴淨佛刹現在諸佛嚴淨世界亦復如是種種莊嚴清淨具足功德普覆無量妙色不可思議香無量雜寶無量寶樹阿僧祇莊嚴阿僧祇官殿阿僧祇微妙音聲隨善知識顯現無量一切功德殊勝莊嚴不可窮盡一切香莊嚴一切鬘莊嚴一切華莊嚴一切殊香莊嚴一切寶莊嚴一切衣莊嚴一切幢莊嚴一切幡莊嚴一切繪綵莊嚴一切寶欄楯莊嚴阿僧祇白寶網普覆莊嚴阿僧祇河莊嚴阿僧祇雲雨莊嚴阿僧祇自然妙

音無所不聞以如是等無量無邊諸莊嚴具
莊嚴無量無邊不可思議諸佛世界彼諸世
界中若佛刹莊嚴佛刹清淨佛刹平等佛刹
妙善佛刹功德佛刹殊勝佛刹安樂佛刹不
壞佛刹無盡佛刹無量功德不可盡佛刹不
退佛刹無所畏佛刹光明佛刹快樂佛刹無
厭佛刹普照佛刹照明佛刹方正佛刹第一
佛刹勝佛刹最勝佛刹微妙佛刹無比佛刹
無等佛刹上佛刹無上佛刹無等等如是等
三出一切諸佛佛刹莊嚴菩薩摩訶薩以此
善根皆悉迴向普令一切佛刹清淨莊嚴如
是莊嚴於一世界中三出一切莊嚴佛刹具

足清淨周遍清淨積聚等起莊嚴具足莊嚴
住持皆悉具足如一世界中無量無邊虛空
法界等世界悉以三出諸佛莊嚴佛刹而莊
嚴之佛刹功德佛刹觀無厭足佛刹無量佛
刹彌廣佛刹無數佛刹不可思議佛刹無勝
佛刹不可稱佛刹無邊皆悉具足菩薩摩訶
薩亦復如是迴向今其所修一切佛刹菩薩摩
訶薩皆悉充滿此諸菩薩具足一切清淨功
德成就智慧善能分別一切世界及眾生界
入深法界捨離愚癡入空寂界成就念佛念
不思議法念清淨僧成就念捨法曰圓滿慧
光普照深智無礙從無所有寂滅法生出生

無量清淨佛法成就殊特勝妙善根清淨善
根最勝善根增上善根建立無二善提之心
善能隨順入如來力心常志求一切種智淨
諸塵業了衆生性知法空寂捨離顛倒除滅
愚癡修諸善根滿足大願成就如是等無量
無邊功德菩薩充滿其利悉從無量法門中
生安住如是一切功德成就無等等勝妙善
根常作佛事善巧方便得善提光明具足無
礙法界智慧一身充滿一切法界現自在力
成就大智一切智境界善巧方便出生智慧
分別無量法界遍遊諸刹而無所著心淨如
空悉能分別一切法界於諸菩薩不可思議

三昧正受以巧方便善能入出趣薩婆若住
諸佛刹善能了知諸佛威神善能分別阿僧
祇諸深妙法而無所畏隨順三世諸佛善根
普照一切如來法界悉能受持一切諸佛所
說正法善能演出不可思議清淨音聲善能
分別阿僧祇諸語言法得無上道佛自在地
悉能周遍一切世界而無障礙悉攝一切無
諍之法心無虛妄無所深著修習增廣菩提
之心善解智慧隨時應化權變無方了真實
善具足演說成就如是等無量功德諸大善
善善善卷之六世界充滿世界種種莊嚴順至安住
善修善修清淨無雜周遍清淨恬然宴寂於

一佛刹少分處所有無量菩薩無數菩薩不
思議菩薩不可稱菩薩不可量菩薩無量菩
薩不可究竟菩薩無分齊菩薩不可說菩薩
不可說不可說菩薩如一佛刹一一少分處
有如是等大菩薩摩訶薩虛空法界等一切
世界菩薩摩訶薩皆悉充滿亦復如是菩薩
摩訶薩以諸善根方便迴向迴向一切佛刹
一切善菩薩摩訶薩一切如來一切無上菩提
一切大願一切出要一切眾生淨一切世界
當見如來如來壽命無量轉不退轉法輪與
法界等如是菩薩摩訶薩善根迴向令一切
佛刹清淨令一切眾生界清淨令一切菩薩

清淨令一切諸佛充滿法界令如來清淨法
身充滿一切佛刹菩薩摩訶薩以如是等無
等等迴向趣薩婆若心淨如虛空不動如大
地入不可思議迴向樂觀一切業報皆悉寂
滅無盡功德迴向平等隨順一切法界菩薩
摩訶薩行如是迴向已不虛妄取我及我所
不虛妄取佛及諸佛法不虛妄取佛刹及刹
清淨不虛妄取衆生及調伏衆生不虛妄取
諸業及取業報不著意業及業果報不壞因
果不取有法不壞有法生死非雜亂涅槃非
寂靜如來境界道非他所作無法同上菩薩
摩訶薩如是起諸善根決定迴向成熟具足

等觀取相善取境界分別稱量離諸虛妄而
無所著菩薩摩訶薩如是善根迴向已得無
盡善根常念三世一切諸佛得一切無盡善
根度無量菩薩得無盡善根淨諸佛刹得無
盡善根淨眾生界得無盡善根入深法界得
無盡善根修無量心淨如虛空得無盡善根
解了一切諸佛境界得無盡善根修習一切
菩薩淨業得無盡善根了達三世得無盡善
根以如是等善根迴向悉能度脫一切眾生
八眾生界不見眾生迴向解一切法無有壽
命迴向知一切法花二真實無有自在迴向一切六卷十三
諸法無福伽羅迴向觀察一切諸法離諸忿

諍迴向一切諸法從因緣起無有堅固迴向
知一切法真實無所著迴向一切佛刹無所
染著迴向不取菩薩行堅固相迴向分別了
知一切境界空無所有迴向菩薩摩訶薩如
是迴向眼終不見不淨佛刹亦復不見異相
衆生行法不見法入智無所入解了一切猶
如虛空於如來身得一切法滿足成就無量
諸功德力具足至一切處善根安樂衆生此
菩薩摩訶薩於念念中得不可說不可說十
力地具足一切種智清淨善根悉能攝取一切
衆生彼菩薩摩訶薩成就如是功德寶藏隨
所遊方悉能嚴淨一切佛刹令不可說不可

說衆生安住攝取諸功德力菩薩摩訶薩如是迴向時以此迴向威力故一切所行無有倫匹一切世間所不能壞威攝衆魔且能瞻對具足成就不退功德無量大願皆悉成滿其心弥廣等一切智於一念中悉能周遍無量佛刹得無量智力悉能了知諸佛境界常樂受持一切佛法安住無量無邊大智菩薩初發菩提心力悉與虛空諸法界等佛子是名菩薩摩訶薩第五無盡功德藏迴向菩薩摩訶薩安住此無盡功德藏迴向復得十種無盡功德之藏何等爲十一者常見諸佛無盡功德之藏於一一毛孔中見無量阿僧祇

諸佛二者入無盡法功德之藏如來智慧等
觀一切法即是一法三者受持正念無盡功
德之藏聞一切佛所說正法聞持不忘四者
得無盡慧功德之藏於一切如來所說經法
善能次第解其句義五者無盡趣法功德之
藏善能分別一切法趣六者無盡佛願功德
之藏智慧如空充滿三世一切諸法七者無
盡功德功德之藏充滿一切諸眾生意猶不
可盡八者無盡智功德之藏一切眾生愚癡
瞠障悉能除滅九者無盡辯才功德之藏令
花二其卷
一切眾生悉解一切佛法平等無二十者無
盡十力四無所畏功德之藏具足修習菩薩

所行受法王職得一切智佛子是名菩薩摩訶薩得十無盡功德之藏以此無盡功德之藏皆悉迴向一切功德今時金剛幢菩薩普觀十方以偈頌曰

菩薩成就直心力

隨喜所獲諸功德

三世一切諸最勝

具足一切勝功德

三世一切最勝法

淨心攝取一切法

窮盡三世無量劫

三世諸劫猶可盡

於一切法得自在

無礙方便善迴向

嚴淨刹土及世間

迴向淨刹亦如是

菩薩悉能諦分別

如是莊嚴諸佛刹

讚一佛刹諸功德

佛刹功德無窮極

如是一切諸佛刹
善莊嚴淨一切刹
彼真佛子心清淨
一切功德莊嚴心
彼諸菩薩悉具足
一切諸辯悉成滿
觀空境界心平等
成就清淨無等心
如是量餘諸佛刹
未曾想念聲聞乘
善莊嚴如是心清淨
普令衆生成正覺

一切最勝悉嚴淨
與諸導師等無異
悉從如來法化生
充滿一切諸佛刹
無量相好莊嚴身
不可窮盡如大海
安住一切三昧門
光明普照十方界
此諸菩薩悉充滿
亦復不求緣覺道
善根迴向諸群生
具足三出諸佛法

十方一切諸魔王

勇猛安住莫能壞

善薩具足諸願力

深入無盡功德藏

善能觀察一切法

已能分別空無我

無有色法及無色

亦無有法及無法

亦復非有亦非無

於彼一切諸緣中

花二六 大興二五

一切衆生語言法

悉知世間施設法

善薩威德悉調伏

決定修行究竟法

迴向功德無障礙

三出果報無窮盡

了達其性不自在

是故不取業報

亦無有想無無想

一切諸法無所有

亦復非因非無因

其心了達無染感

悉能了知無所著

決定諸法無有我

平等觀察衆生類

諦了諸法無二相

普觀三世無差別

佛刹諸業亦如是

菩薩如是知迴向

隨所行業功德生

明達諸佛真實性

解一切佛深妙法

菩薩如是淨迴向

心能分別善思量

了知自性悉非性

於一切法無所著

攝取一切諸境界

迴向一切群生類

除滅一切愚癡闇

於真實性覺如如

菩薩一切虛妄見

已滅已棄永無餘

遠離世間煩惱熱

得到究竟清淨趣

不壞一切諸法性

明達真實無所生

解了諸法猶如響

悉於一切無所著

了知三世衆生類
善解煩惱諸習氣
了達業性非是業
又亦不壞業果報
衆生所生無有生
不著衆生說衆生

悉從因緣和合起
不壞諸法真實性
亦復不壞諸業性
宣揚讚歎緣起法
亦無流轉生死中
善能隨順諸世間

大方廣佛華嚴經卷第十六

奉施入 妙德寺 公用

110X
581
1